



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Monetarna kretanja u augustu 2023. godine




Monetarna kretanja – august 2023. godina

Ukupna novčana masa (M2) na kraju augusta 2023. godine iznosila je 34,99 milijardi KM, u odnosu na prethodni mjesec registrovan je porast novčane mase za 303,8 miliona KM (0,9%). Porast novčane mase (M2) u augustu 2023. godine, rezultat je povećanja novca (M1) za 179,5 miliona KM (0,9%) i kvazi novca (QM) za 124,3 miliona KM (0,9%). Gotovina izvan banaka je povećana za 15,2 miliona KM (0,2%), a prenosivi depoziti u domaćoj valuti za 164,4 miliona KM (1,1%), što je rezultiralo povećanjem novca (M1). Kvazi novac (QM) je povećan usljed porasta prenosivih depozita u stranoj valuti za 11,9 miliona KM (0,3%), ostalih depozita u domaćoj valuti za 75,5 miliona KM (2,7%) i ostalih depozita u stranoj valuti za 37 miliona KM (0,5%).

Na godišnjem nivou, porast novčane mase (M2) u augustu 2023. godine iznosio je 2,44 milijarde KM (7,5%). Rast je ostvaren kod gotovine izvan banaka za 325,4 miliona KM (5,4%), kod prenosivih depozita u domaćoj valuti za 1,57 milijardi KM (11,9%) i kod prenosivih depozita u stranoj valuti za 574,4 miliona KM (17,0%), uz istovremeno smanjenje ostalih depozita u domaćoj valuti za 22 miliona KM (0,8%) i ostalih depozita u stranoj valuti za 16,2 miliona KM (0,2%).

Monetarni agregati



Protustavka povećanju novčane mase (M2) na mjesečnom nivou u augustu 2023. godine u iznosu od 303,8 miliona KM (0,9%) je povećanje neto strane aktive (NSA) za 422,6 miliona KM (2,1%) i smanjenje neto domaće aktive (NDA) za 118,7 miliona KM (0,8%). Porast novčane mase (M2) na godišnjem nivou od 2,44 milijarde KM (7,5%), rezultat je porasta neto strane aktive (NSA) za 1,07 milijardi KM (5,6%) i neto domaće aktive (NDA) za 1,37 milijardi KM (10,3%).

Monetarni pregled

	Stanje u mil. KM VIII 2023	Mjesečne promjene u mil. KM			Godišnje stope rasta u %		
		VI 2023	VII 2023	VIII 2023	VI 2023	VII 2023	VIII 2023
Aktiva							
1. Neto strana aktiva	20.316,0	-11,7	353,7	422,6	6,6	5,5	5,6
1.1. Strana aktiva	21.794,5	-44,6	347,7	449,3	3,9	3,2	3,5
1.2. Strana pasiva	-1.478,4	32,9	6,0	-26,7	-22,4	-20,5	-17,9
2. Neto domaća aktiva	14.669,2	281,2	275,3	-118,7	10,1	12,2	10,3
2.1. Potraživanja od centralne vlade (neto), kantona i općina	496,5	-27,1	249,9	-27,4	-172,8	-254,2	-274,7
2.2. Potraživanja od domaćih sektora	21.949,2	331,2	87,7	43,1	5,3	5,4	5,6
2.3. Ostale stavke	-7.776,5	-22,8	-62,3	-134,4	5,9	5,2	8,1
Pasiva							
1. Novčana masa (M2)	34.985,2	269,6	629,0	303,8	8,1	8,3	7,5
1.1. Novac (M1)	21.147,2	248,9	632,6	179,5	10,5	11,6	9,9
1.2. Kvazi novac (QM)	13.838,0	20,7	-3,6	124,3	4,7	3,5	4,0

Kreditni

Ukupni krediti domaćim sektorima na kraju augusta 2023. godine iznosili su 22,86 milijardi KM, u odnosu na prethodni mjesec zabilježeno je povećanje od 47,7 miliona KM (0,2%). Kreditni rast registrovan je kod sektora stanovništva za 72,1 milion KM (0,6%), kod nefinansijskih javnih preduzeća za 6,2 miliona KM (1,0%) i kod ostalih domaćih sektora za 2,3 miliona KM (1,0%). Smanjenje kreditnog rasta registrovano je kod privatnih preduzeća za 29,3 miliona KM (0,3%) i kod vladinih institucija za 3,5 miliona KM (0,3%).

Godišnja stopa rasta ukupnih kredita u augustu 2023. godine iznosila je 4,8%, nominalno 1,05 milijardi KM. Godišnji rast kredita registrovan je kod sektora stanovništva za 679,3 miliona KM (6,3%), kod privatnih preduzeća za 338,8 miliona KM (3,7%), nefinansijskih javnih preduzeća za 65,5 miliona KM (12,3%) i kod ostalih domaćih sektora za 56,5 miliona KM (33,7%). Smanjenje kreditnog rasta na godišnjem nivou registrovano je kod vladinih institucija za 88,9 miliona KM (7,9%).

Sektorska struktura kredita

	Stanje u mil. KM VIII 2023	Mjesečne promjene u mil. KM			Godišnje stope promjene u %		
		VI 2023	VII 2023	VIII 2023	VI 2023	VII 2023	VIII 2023
Ukupno	22.858,5	303,9	84,6	47,7	4,7	4,8	4,8
Od toga:							
Stanovništvo	11.537,1	138,1	81,2	72,1	5,7	5,9	6,3
Privatna preduzeća	9.459,3	147,2	-6,9	-29,3	3,3	3,4	3,7
Vladine institucije	1.041,7	-28,4	3,3	-3,5	-4,6	-3,9	-7,9
Javna preduzeća	596,2	20,8	-5,7	6,2	22,3	17,0	12,3
Kreditni ostalim domaćim sektorima	224,3	26,3	12,8	2,3	17,3	32,1	33,7

Depoziti

Ukupni depoziti domaćih sektora na kraju augusta 2023. godine iznosili su 30,51 milijardu KM, u odnosu na prethodni mjesec depoziti su povećani za 343,2 miliona KM (1,1%). Rast depozita na mjesečnom nivou registrovan je kod svih sektora: stanovništvo za 107,7 miliona KM (0,7%), privatna preduzeća za 153,1 milion KM (2,3%), nefinansijska javna preduzeća za 18,3 miliona KM (1,0%), vladine institucije za 47,2 miliona KM (1,1%) i ostali sektori za 16,9 miliona KM (0,9%).

Godišnja stopa rasta ukupnih depozita u augustu 2023. godine iznosila je 6,8%, što je u apsolutnom iznosu 1,93 milijarde KM. Godišnji rast depozita registrovan je kod sektora stanovništva za 1,32 milijarde KM (9,3%), kod privatnih preduzeća za 979,5 miliona KM (16,8%) i kod ostalih domaćih sektora za 5,2 miliona KM (0,3%). Kod nefinansijskih javnih preduzeća depoziti su na godišnjem nivou smanjeni za 118,9 miliona KM (5,9%), kao i kod vladinih institucija za 252,9 miliona KM (5,3%).

Sektorska struktura depozita

	Stanje u mil. KM VIII 2023	Mjesečne promjene u mil. KM			Godišnje stope promjene u %		
		VI 2023	VII 2023	VIII 2023	VI 2023	VII 2023	VIII 2023
Ukupno	30.509,0	137,8	302,9	343,2	7,5	7,5	6,8
Od toga:							
Stanovništvo	15.426,0	170,8	70,5	107,7	9,9	9,6	9,3
Privatna preduzeća	6.812,0	56,3	270,9	153,1	18,3	19,8	16,8
Vladine institucije	4.510,5	-22,9	-12,1	47,2	-4,4	-4,6	-5,3
Javna preduzeća	1.908,6	-94,0	3,2	18,3	-6,7	-6,2	-5,9
Depoziti ostalih domaćih sektora	1.851,9	27,7	-29,6	16,9	3,0	0,4	0,3

Devizne rezerve

Devizne rezerve Centralne banke BiH na kraju augusta 2023. godine iznosile su 15,87 milijardi KM, dok je u odnosu na prethodni mjesec zabilježeno povećanje deviznih rezervi od 306,6 miliona KM (2,0%).

U strukturi deviznih rezervi, na mjesečnom nivou su povećani depoziti kod nerezidentnih banaka za 196,5 miliona KM (2,4%), investicije u vrijednosne papire su veće za 125,8 miliona KM (1,9%), kao i strana valuta u trezoru CBBiH za 4 miliona KM (0,9%).